

SEMEN MVLIERIS  
 HOMINIBVS, SVB SERPENTIS INFERNI TYRANNIDE  
 GEMENTIBVS, DIVINITVS ORTVM  
 IPSIS DIEBVS  
**CHRISTO NATO**

SACRIS,  
 A. O. R. MDCCLIII.

PTO ANIMO VENERANTVR

SCHOLÆ CATHEDRALIS NVMBVRGENSIS  
 ALVNI,  
 ORDINI PRIMO ADSRIPTI,

PER  
 CAROLVM GODOFREDVM SCHOCH,  
 NVMBVRGENSEM.

IMPRIMEBAT IO. GVIL. BOSSOEGELIVS, TPOGR. FVND.



**V**irgine matre puer natus, domitorque draconis  
 Inferni, humanas res miseratus, adest.  
 Quippe impune diu tulit astus letifer hostis,  
 Iactauitque nimis, se superasse Deum.  
 Huic mala multa licet sis, exitiumque, minatus,  
 Vt possent animos frangere verba feros:  
 Ille minas spernit tamen, atque ferocius instat  
 Iniicere audaces in TVA iura manus.  
 Nam, bene quae fecit TVA dextera, perdere gaudet,  
 Et mage quo quid amas, hoc magis odit idem.  
 Lumen es, et toto sparsisti lumina mundo,  
 Conspicuis fieres lumine ut ipse TVO.  
 Luminibus contra pulsis, nigrantibus vmbris  
 Inuoluit terras anguis et ipse niger.  
 Scilicet in tenebris occultior iste latere,  
 Spargere et in populos dira venena, potest.  
 Deinde animos praua sic religione repleuit,  
 Tolleret ex hominum nomen vt ore Dei.  
 Numinis inque locum se intruderet ipse colendum.  
 Sic adeo infernus nil draco frontis habet,  
 Et nimis excordes homines huic vota capessunt,  
 Hunc placant donis, sollicitantque prece,  
 Huic numerosa cadit passim hostia, turis acervi  
 Huic accenduntur, flectitur huicque genu.  
 Quique solent alii fieri TIBI, Numen, honores  
 Omnes, TE spreto, pestifer anguis habet.  
 Et rapuisse TIBI hos gaudet, tumidusque triumphat,  
 Et se majorem iam putat esse Deo.  
 Ah! quoties aliquis bonus, haec tibi gaudia, dixit,  
 Brute, diu, serpens, non habiturus eris.  
 Est super axe Deus, scelorum rigidissimus vltor,  
 Asseret ILLE sibi debita iura breui.  
 Supplicioque graui, dirisque angoribus, ausus  
 Compefceret stolidos, o malefane, tuos.

Longius iste tamen grassatus, et occupat orbem,  
Fraudibus innumeris, flagitiisque, suis.  
Et male deceptos in cuncta piacula cogit,  
His intentatum nec sinit esse nefas.  
Vt placidum offendat pectus, stimuletque furorem,  
Nobilisque tuum, quo magis perdat opus.  
Est alius populus tibi lectus ab omnibus vnus,  
Diligis hunc populum, muneribusque beas.  
Huic manifesta miris tua numina factis,  
Pandisti arcani consiliumque TVI.  
Vt tibi pro meritis iustum pietatis honorem  
Soluere, imperii ius coleretque TVI.  
Hunc aliis peius sceleratus perdidit anguis,  
Ne sinat illaesum quicquid amore foues.  
Omnia corruptit, quae latus continet orbis,  
Et quae deliciae cunquae fuerunt TVAE.  
Perspicias hoc, paterisque tamen, nec colligis iram,  
Nec meritas poenas poscis ab hoste TVO.  
Sed nunc vocem audis, lamentaque moesta, bonorum,  
Quos tibi perpauca iam superesse vides.  
Qui prece sollicita per plurima saecula vocatum,  
Speratumque diu, iam properare iubent.  
Rumpe moram, clamant, quid enim promissa retardas,  
Rumpe moram, et sanctam respice, quaeso, fidem.  
Ergo audis, opiferque venis, vindexque tuorum,  
Aerumnis pressi qui gemere diu.  
Nunc, astute, tuis, veterator, consule rebus,  
Impendent capiti summa pericula tuo.  
Saepe laceffit tibi tandem apparuit ultor.  
Quae rabies talem sic violasse virum.  
Ille cruenta tibi molitur bella, fac, arma  
Expedit, animi robora fume noua.  
Agmina coge ferox, numerosas instrue turmas,  
Vt vincat numerus quem bona causa nequit.

Auxilio veniant mors atra, et tartarus atrox,  
Namque accepta tibi maxima regna ferunt.  
Quaeque potest socias tibi iungere turba phalangas,  
Fortia fac tecum praelia obire velint.  
Nec causae ipse tuae desis, tua spicula torque,  
Viperea lingua dira venena vomere.  
Quid tamen efficies? infliges vulnera calci,  
Sed tibi calx eadem colla superba premet.  
Quaeque fit auxilio tibi, mors deuicta iacebit,  
Et perculsa simul tartara nigra ruent.  
Exuuiisque gemens detractis ipse triumphos  
Ornabis domini, vincte tyranne, TVI.  
At nos felices! ea quos victoria tristi  
Soluuit seruitio, restituitque Deo.  
Salue! magne puer, salue! insuperabilis heros,  
Salue! hominum vindex, ipse homo, et ipse Deus.  
Namque potes solus stygium domuisse draconem,  
Vnus tu mortis soluere vincla potes.  
Virge opus inceptum, ne cessa, et semina belli  
Persequere, illius nil superesse sine.  
Nempe parum est vicisse hostem, vincitumque tenere:  
Nec multum est colubri comminuisse caput.  
Semina si passim superant colubrina, valentque,  
Restat et anguineo virus ab ore fluens.  
Regnaque si passim sua possidet anguis, et orcus  
Si posthac patulo deuorat ore TVOS.  
Reliquias igitur radicitus erue damni,  
Hostilis populo quod tulit hydra TVO.  
Sic devota tibi sunt pectora nostra, nouasque  
Nostra tibi laudes linguaque, mensque, canet.



78 M 496

ULB Halle 3  
001 618 148



TA-206

617





V

SEMEN MVLIERIS  
HOMINIBVS, SVB SERPENTIS INFERNI TYRANNIDE  
GEMENTIBVS, DIVINITVS ORTVM  
IPSIIS DIEBVS

# CHRISTO NATO

SACRIS,

A. O. R. MDCCCLIII.

PIO ANIMO VENERANTVR

SCHOLÆ CATHEDRALIS NVMBVRGENSIS


ALVMNI,

ORDINI PRIMO ADSCRIPTI,


PER

CAROLVM GODOFREDVM SCHOCH,

NVMEVRGENSEM.



IMPRIMEBAT IO. GVIL. BOSSOEGELIVS, TTPOGR. FVND.



Farbkarte #13

B.I.G.

Blue Cyan Green Yellow Red Magenta White 3/Color Black

